

CINNEADH (AE) 2021/920 Ó IONADAITHE RIALTAIS NA mBALLSTÁT
an 2 Meitheamh 2021

lena gceaptar triúr Breithiúna den Chúirt Bhreithiúnais

TÁ IONADAITHE RIALTAIS BHALLSTÁIT AN AONTAIS EORPAIGH,

Ag féachaint don Chonradh ar an Aontas Eorpach, agus go háirithe Airteagal 19 de,

Ag féachaint don Chonradh ar Fheidhmiú an Aontais Eorpaigh, agus go háirithe Airteagail 253 agus 255 de,

De bharr an mhéid seo a leanas:

- (1) Rachaidh téarmaí oifige 14 Bhreitheamh agus seisear Abhcóidí Ginearálta den Chúirt Bhreithiúnais in éag an 6 Deireadh Fómhair 2021.
- (2) Ba cheart, dá bhrí sin, ceapacháin a dhéanamh do na poist sin don tréimhse dar tús an 7 Deireadh Fómhair 2021 agus dar críoch an 6 Deireadh Fómhair 2027.
- (3) Moladh go ndéanfaí athnuachan ar théarma oifige Siniša RODIN ina cháil mar Bhreitheamh den Chúirt Bhreithiúnais.
- (4) Moladh go ndéanfaí athnuachan ar théarma oifige François BILTGEN ina cháil mar Bhreitheamh den Chúirt Bhreithiúnais.
- (5) Moladh go gceapfaí Zoltán CSEHI don chéad téarma oifige ina cháil mar Bhreitheamh den Chúirt Bhreithiúnais.
- (6) Thug an painéal a cuireadh ar bun faoi Airteagal 255 den Chonradh ar Fheidhmiú an Aontais Eorpaigh tuairim fhabhrach uaidh ar oiriúnacht na n-iarrthóirí sin chun feidhmeanna Breithimh den Chúirt Bhreithiúnais a fheidhmiú,

TAR ÉIS AN CINNEADH SEO A GHLACADH:

Airteagal 1

Ceaptar na daoine seo a leanas ina mBreithiúna den Chúirt Bhreithiúnais don tréimhse ón 7 Deireadh Fómhair 2021 go dtí an 6 Deireadh Fómhair 2027:

- Siniša RODIN,
- François BILTGEN,
- Zoltán CSEHI.

Airteagal 2

Tiocfaidh an Cinneadh seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Arna dhéanamh sa Bhruiséil, 2 Meitheamh 2021.

An tUachtarán
N. BRITO
